



*Senin, 21 Oktober 2024*  
**Ogen: Johannes 19:25-27**



**"Senina Maria"**



**W** *Deherken kayu persilang Jesus, tedis nandeNa, **senina nandeNa**, Maria ndehara Kleopas ras Maria Magdalena".*

Kata senina nande nuduhkan maka lit hubungan/iketen dareh (banci kaka; banci agi). Pentingna tutur bas hubungan kekeluargaan khususna bas kita kalak karo, encidahken maka meherga kal si akap nandangi hubungan/iketen e. Bas budaya karo ngatakan, si la lit iketen dareh pe banci ibahan jadi senina. Hal enda ngatakan maka budaya karo sangat ngergaken kerna perkade-kaden. Hal enda megati inanami adina kita nggeluh ndauh/ngeranto i bas keluarga intinta nari. Bas budaya karo ngenca lit tutur perkade-kade sepuluh dua tambah sada. Kata senina, nuduhkan maka litna iketen i bas manusia; janah iketen e banci erkiteken iketen dareh (sada nande sada bapa), senina erkiteken nande/bapanta ersenina; banci ka erkiteken la lit hubungan dareh pe ikatakan ersenina erkiteken seri merga entah pe beru. Hubungan subuk sada dareh entah lang she kal perluna tetap i jaga.

Senina Maria e me tema paksa tenengta wari enda; ise kin senina Maria e, gelarna la isuratken bas Pustaka Si Badia, memang la melala informasi si isingetken kerna ise senina Maria e, tapi rikutken refrensi si ibaca maka senina Maria e banci saja Salome (band. Matius 27:56 nande anak-anak Zebedeus). Payo memang la tersurat gelar seninana e tapi si pasti maka lit hubungan dingin lit kalak si nginget kerna hubungan. Aminna gia kurang kal informasi si man ogen kerna ise kin senina Maria e, tapi nuate maka arah teks enda; selaku Moria pe perlu kita ngergaken hubungan kerna senina-seninanta (subuk litna hubungan dareh entah la lit).

Melala kal seninanta Moria si mungkin la tersurat gelarna bas kepengurusen entah pe kepanitian i tengah-tengah persadanta; tapi marilah kita nginget dingin ngergaken ia bagi sekalak seninanta si tersurat gelarna.